

Ny Valosoa sy hadihady

Kolontsaina

Tsy mazava ny politika momba ny Mozea eto amintsika

Tsy mbola manana ny anjara toerany tanteraka eo amin'ny fiainam-bahoaka ny Mozea raha ny fahitana ny zava-misy ankehitriny. Manana Mozea ny firenena, toy ny eny amin'ireo rova samihafa na eto Antananarivo na any amin'ireo faritany sy faritra samihafa manerana ny Nosy. Ny Mozea dia toerana natao hitehirizana ireo zavatra mivaingana mirakitra fahatsiarovana maro samihafa tamin'ny vanim-potoana samihafa. Raha momba ny firenena, dia ireny toerana ireny no hitehirizana ireo zavatra manan-tantara, toy ny tamin'ny andron'ny faha-mpanjaka. Tsy voatery ny mombamomba ny mpanjaka sy ny fiandrianany ihany no tehirizina ao aminy, fa na ihany koa ny zavatra niainan'ny fiarahamonina tamin'izany. Mazava loatra, fa tsy mijanona tamin'ny vanim-potoana ny faha-mpanjaka no tehirizina ao, fa ireo vanim-potoana samihafa nifandimby taoriany rehetra. Ny maha-zava-dehibe azy dia ny mba hahafantaran'ny taranaka aty aorianarehetra mifandimby ny zava-nisy sy nitranga teo amin'ny firenena efa lasa taloha ela tany. Arakaraka ny fahamaroan'izany sy ny fahitany azy no mampitsiry afon'ny fitiavan-tanindrazana ao am-pony. Ny fitiavan-tanindrazana tsy vitan'ny resaka eny an-kanja fotsiny, na anaty adihetitra amin'ny toerana samihafa sy voizina amin'ny haino vaky jery toy ny ataon'ny fitondrana ankehitriny, fa mila asa mivaingana mifototra amin'ny tena maha malagasy tanteraka madio mangarahara.

Hatraiza anefa ny fikoloana ireo Mozea misy eto amintsika sy indrindra ny fampivoarana azy ireny ? Ny miharihary, tsy misy mazava ny politika momba izany ataon'ny tomponandraikitra sy ny fitondrana. Ny zava-nitranga aza, dia saika namoa-doza nanaotao foana ny fitondrana ankehitriny, raha ny nataony teny amin'ny Rovan'i Manjakamiadana tamin'ny fanorenana toerana na kianja tsy tokony ho napetraka eny velively. Ny ambara amin'izany dia ilay Colisée, izay nanaovan'ny fitondrana Rajaelina amboletra ny narorina azy, kanefa nokianin'ny sokajin'olona marobe teto amin'ny firenena izany ary nambaran'ireo ny amin'ny tsy maintsy anesorana io kianja io, satria tsy kolontsaina malagasy io ary tena manosihosy ny soatoavina maha malagasy mihitsy. Tsy maintsy misy akony ratsy eto amin'ny firenena ny nanorenana an'io, hoy ny avy amin'ny fikambanan'ireo andriana. Moa ve dia ho izany tokoa no antony mahatonga ny

firenena ho toy izao ? Aiza ho aiza ny niafaran'ny raharaha momba an'io ary andrasan'ny olom-pirenena marobe na ny vahoaka ny fanongotana io kianja io hatramin'izao. Mbola misy tsy araka ny vakoka maha Malagasy aza, fa haingo rendrarendraavy any ivelany no nampihaingon'ireo tomponandraikitra ao anaty fitondrana ny Lapan'i Manjakamiadana, izay tena fanaovana tsinontsinona ireo razana tany aloha mihitsy ny fahitana azy. Ilàna fahendrena fatratra ny fametrahana zava-baovao amin'ireny toerana ireny fa tsy ataotao foana akory. Anisan'ny tsy tokony ho adinoina ny fiarovana ny Mozea. Nisy fotoana niharana'ny sotasota sy hetrake-traka izy ireny toy ny resaka fandoroana izay niseho tamin'ny toerana samihafa. Anisan'zany ny teny Manjakamiadana izay tsy hita izay niafaran'ny fanadihdiana momba izany fa toa navelavela ho azy fotsiny amin'izao na dia nisy resaka tsy mazava aza izay tian'ny vahoaka hofantarina marina, noho ny fahenoindy resaka politika maloto tao ambadika. Hoan'ny mpanara-baovao, tsy mandehandeha ho azy ny fitrangan'ireny toe-javatra ireny. Nisy ihany koa ankoatra ny teny Manjakamiadana ny toerana na rova niharana'ny, toy ny teny Ambohidratrimo sy llafy, na ny hafa tsy voalaza. Tamin'ny fision'ireny tranga-javatra ireny no nahatsapana fa nisy an-tandrevaka ny lafiny fiarovana tokony ho ataon'ny tomponandraikitra isantsokajiny misahana azy ireny. Ankehitriny anefa ve efa azo antoka sy azo itokisana ny fiarovana ny Mozea misy eto amin'ny firenena, na ireo lapa na trano samihafa natao itehirizana ireny vakoka na zavatra manan-tantara sarobidy samihafa amin'ny Malagasy ireny? Dia samy mijery izany ny olom-pirenena tsirairay eo amin'ny manodidina sy ny fiaraha-monina misy azy eo. Mila sarotiny amin'ireny ny olom-pirenena tsirairay, ny Malagasy rehetra sarotiny sy saropiaro amin'ity firenena ity, mba hisy hanodina ny tantaran'ny firenena, satria misy olona tsy mihevitra afatsy ny hanao izany, mikendry hatrany ny hanam-boamboatra ny tantara nisy marina eto. Ny Mozea no anisan'ny andry iray lehibe sisa iankinan'ny fiandriam-pirenena ankehitriny sy ny maha Malagasy ny Malagasy. Fanairana ny sain'ny rehetra izany amin'ny andro iraisam-pirenena natokana ho an'ny Mozea omaly 18 Mey.

Radafy

Tsy mbola milamina ny Anjerimanontolo
Hikatona mandritra ny 72 ora
ny Oniversite hanomboka anio

Miato tanteraka hanomboka anio alakamisy ny fampinarana eny anivon'ny Oniversiten'Antananarivo ary tsy hifarana izany raha tsy amin'ny sabotsy 21 Mey 2022 ho avy izao. Io no fanapahan-kevitra noraisin'ny mpi-kambana ao amin'ny Seces sampana Antananarivo, nandritra ny fivoriana nataon'ireto farany omaly mafaina, teny Ambohitsaina. Nanazava ny Profesora Ravelonirina Sammy Gregoire, filohan'ny Seces Antananarivo, fa fitokonana fanairana ny fitondrampanjakana, mba hamerina indray ilay Lalàna mifehy ny fizakantenan'ny Oniversitem-panjakana sy ny foibem-pikarohana nasiöny, no anton'ny fanapahan-kevitra. Vokatr'izany mitsahatra tanteraka ny fanadinana rehetra hanomboka anio, miato ny fanehoana ampiabemaso ireo seho-karoka rehetra eny amin'ireny "Ecole Doctorale" tsirairay ireny, tsy manao ny asany intsony ireo mpampianatra raikitra sy ny mpampianatra manao asa-tselyka eny anivon'ny Oniversite. Nanamafy ny Profesora Ravelonirina Gregoire, fa hiantso Delegen'ny mpianatra, filohan'ny kilasy, ny filohan'ny fikambana ara-pedagogika ny Seces Antananarivo amin'ny Alatsinainy ho avy izao, hanazavana amin'ireto farany ny antony mahatonga ny mpampianatra mpikaroka sy ny mpikaroka mpampianatra, miroso amin'izao fanapahan-kevitra izao ary mbola hiantso fivoriana amin'ny mpikambana Seces Antananarivo amin'ny Alarobia ho avy izao ny birao, mba hanaovana tatitra amin'ny mety ho fivoaran'ny toe-draharaha, na hiverina amin'ny fampianarana, na mbola hotohizana ny fankatonana manontolo ny Anjerimanontolo.

Franck Razakambelo



Ny filohan'ny Seces sampan Antananarivo.

TONONKALO

AIZA HO AIZA IREO TRANO DIMY ALINA ?

Aiza izao ireo tranobe izay nolazaina fa hatsangana, Sa tsy anjaranay indray ilay hoe misitraka an'izany ? He jereo ny vidim-piainana fa vao mainka koa midangana. Izao no ilàna 'trano mora', nefo lainga foana hatrany !

"Iray alina isan-taona" no noheverina hajoro. (Toky fitaka rey olona fa ny atao tokoa no hita !) Ireo ekipa ve no miesona na koa midororororo ? Telo taona no efa lasa , na ny arivo aza tsy vita !

Iretsyanobonganay dia toa vao mainka koa azera, Fa omena ny karana sy sinoa irony tany. Ry mpitondra tia mandainga o! aza faly mihoerahoera. Iza no hatavizina eto , sa ireo vahiny hatrany ?

Aiza izao ireo tranobe , sa ny anareo no 'ndeja hisaina , Dia ireo anareo manokana izay najoro tato ho ato ? Ry mpitondra tia tena sy tia vola o! mbà misaina. Aza dia mandainga intsony sao dia ho voatora-bato !



Sekoly EPP, anisan'ny foto-drafirasam-panjakana sivily, tokony homena anarana olo-malaza teto amintsika.

FANOMEZANA ANARANA FOTO-DRAFITRASAM-PANJAKANA

Tsy voaloa ny vola, mitaraina ireo ao amin'ny Komity

Efa hatramin'ny taondasa no am-perin'asa ny Komity fanomezana sy fanovana anarana ireo foto-drafirasam-panjakana sivily eto amintsika, Komity mpanome anaran'olo-malaza Malagasy ireo foto-drafirasam-panjakana samy hafa eto Madagasikara. Nidina ifotony izy ireo nanadihady hatrany anivon'ny fokontany ny mahakasika ireny olo-malaza ireny, sy ny faneken'ny olona any ifotony, na tsia, ny hanomezana ny anaran'ireny olo-malaza ireny ny foto-drafirasam-panjakana amin'ny toerana any ambany ravin-kazo rehetra any. Anarana miisa hatrany amin'ny 600 no vonona tamin'izany, hatolotra hanomezana sy hanovana anarana foto-drafirasam-panjakana eto amintsika. Raha ny nivoaka tamin'ny filan-kevitry ny ministra

andro maromaro lasa izay, anarana miisa 23 monja no vonona, hanomezana anarana foto-drafirasam-panjakana sivily eto amintsika. Ny antony, tsy voaloan'ny tompon'andraitra ny vola natokana na naovan'ny komity ny fana-

dihadiana nandritra izay herintaona mahery nijoroino ny izay. Mahakasika ireo anarana foto-drafirasam-panjakana sivily homena anarana olo-malaza teto amintsika ireo anefa, efa vonona ny any amin'ny faritra rehetra ny amin'

izay, fa ny ministeran'ny serasera sy ny kolontsaina mpiahy indray no malailay fonosana noho io zava-misy, tsy fandoavana ny zon'ireo ao amin'ny Komity io.

Ny Valosoa